

الرشاد

س ۱ ۱۳۰۰

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف ادیب

حکومتی ایچون خلافت اسلامیہ پی پکده صیقیشدیرمق الویریشلی بر ایش اولامز. دینه بیاناتده بولمیشدر. وینه بونک ایچوندرکه انکلتره مطبوعاتی متحداً حکومتدن انکلتره منافعتنک شرق قریبده محافظه سی ایچون تشبثات لازمهده بولمہسنی طلب ایدیور. بعضری ایسه شو تشبثاتنک شکل و صورتی ده تعیین ایددرک زوماده اجرای تضییق ایدلمہسنی و عثمانلو صولرینک راحت بر اقلمہسی ایچون اجرات لازمه یه هان کیریشلمہسنی طلب ایدیورلر.

ایتالیا حکومتی البته که شو آجی وضعیتی آکلایور و تقدیر ایدیور. و آکلادیچی ایچوندرکه حکومت سائرده جزایر بحر سفیدک اشغالی حقنده بیاناتده بولمق و اشغالک موقت اولدیغنی ایضاح ایتک مجبوریتی حس ایتمشدر. حال بویله ایکن متانت و عز مزده ثابت و جریان احواله منتظر اولام...

احمد آغایف

کریه سرسی :

توضیح حقیقت

— ۱ —

المانیسا جرائد مهمه سندن «کولنیش چایتونغ» غزته سنده مندرج وقدیهدن مرسول بر مکتوب مصادف نظر عاجزی اولدی. جورجی بهروویچ پاشانک ولایت مشاورلکی اوآخرنده بر چوق تأثیرات و الجآت سیاسیله و منحصرأ کرید نائرہ مصائبک اطفاسی مقصدیله باب عالی طرفدن بالضرور تطبیقنه موافقت بیوریلان و «مقررات اخیرہ» عنوانی آلمش اولان طرز اداره جزیرہک صفحات مؤلمہسنی بوراده موضوع بحث ایتک ایستہ میز. انجام کار مقررات مذکورده پک زیاده اهمیت ویردرک قبول و تطبیق ایچون باب عالی پی تشویقندن خالی قالمش اولان دولترک پک زیاده آلدانقلرینی اثبات ایتدی. عساکر عثمانیہنک ودها طوغریسی اساس اداره دولترک انفکاکنه بروسیله احضار ایدن بووقه سیاسیہ ۱۸۹۸ سنه سنده جریان ایتکده ایکن کریدده موجود نفوس اسلامیہ - مکتوبده کوسترلیدیکی کبی - یتیمش درت بیکدن عبارت دکل، رسمی بر صورتده اخذ اوانسان معلومات موثوقه کوره «طقسان الی» بیکی متجاوز بولیوردی. مذکور مکتوبک محرری اوتاریخ مشومدن بوکونه قدر جریان ایدن وقایعی تحلیل ایدرکن بر چوق حقایق درمیان ایلورکه بوندن حصه مزه ترتب ایدن تشکری ایفا ایتک نصل بروظیفه ایسه بعض یا کاش و غرضه مستند اوله رق کندیسنه ویرلیدیکی محقق اولان معلوماتی تصحیح قضیه سی دخی اویله جه بر بورجدر.

اولا بزده محزر ایلہ برابر عرض ایدلم که کریدده اهالی مسلمہ ایچون اوتارینخن صوکره حقوق حیاتیہ - بر چوق مظالم واعتسافات ایلہ - تحدید و تضییق ایدلمش اولدیغندن ممالک سائرہ عثمانیہ التجا بر

حیات و مدار معیشتدر. دولت مذکورہنک بتون حشمت و عظمتی، بتون اقتدار و عظمتی شو مستملکله مالکیت سایه سنده در. ایشته بونک ایچوندرکه انکلتره بتون دقت ووقتی شو مستملکله مدافعه و محافظه سنه صرف ایدیور. دیمک اولیورکه انکلتره سیاست خارجیه سنک خط استقامتی تماماً شو مستملکله و وضعیت و لزوم حفظی تعیین ایدیور. حالبوکه شو مستملکله لری انکلتره یه ربط ایدن بتون یوللر عثمانلولر انده در.

شو یوللرک تأمین سلامتی ایچوندرکه انکلتره جبل طارقہ، کریدہ، مصرہ، سویش قناله، آتیلدی. وینه شو یوللری و یوللر اوزرنده ضبط ایدلمش اولان نقاط مستحفظه پی مدافعه ایچوندرکه انکلتره محتشم بردونما بسلمک مجبوریتمده در. دیمک که انکلتره کندی منافع ذاتیه و حیاتیہ سی ایجابجه بیله هیچ بر زمان شو یوللر اوزرنده بحر آقوی و مقتدر بردولترک بولمہسنه روی رضا کوستره مز. بالخاصه که شودولت انکلتره نیک رقیب جانی اولان آلمانیا نیک متفق ایتالیا اولسون! بناء علیه ایتالیا نیک جزایر بحر سفیدده یرلشمہسی بزدن زیاده انکلتره نیک منافع حیاتیہ سنی خللدار ایدر. تعیر دیگر ایلہ ایتالیا نیک شو جزایره مالکیتی متصور بیله دکادر. بویله بر فکر ایتلیا رجانک رؤیاسنه بیله کیره مز.

مسئله نیک معنوی جهتنه کانجه؛ انکلتره دولتی ینه عین مستملکله لره یوز میلیوندن زیاده تبعه اسلامیہ مالک در. شمدی یه قدر شو تبعه اسلامیہ انکلتره نیک صادق، وفاکار بر استنادکاهی اولارق انکایز حاکمیتی بتون آسیاده تأمین ایتمشدر. حالبوکه عین تبعه اسلامیہ نیک مقام معالی خلافت اسلامیہ ایلده مربوطیت معنویہ سی انکلتره حکومتجه ملومدر. شو مربوطیتک درجه سی و مقداری بالخاصه طرابلس محاربه سی ایلہ تجلی ایتدی. کرک آفریقاده و کرک آسیاده ساکن بوقدر اقوام و طوائف اسلامیہ دقیقه بدقیقه چهار چشم ایلہ محاربه نیک تفرعات و تفصیلاتی بکله یه رک هر آن خلیفه مسلمینک نصرت و مظفرتی ایچون رب العالمیندن تمیبات خالصانهده بولیورلر؛ بالخاصه هندوستان مسلمانلری بونلر حرب ایچون معاونت نقدیدهده بولندقدن باشقه دفعاتله اجتماعلر، متینغلر ترتیب ایددرک حکومت متبوعه لرندن خلیفه لرینه معاونت ایدلمہسنی تمی ایتدیلر. البته که انکلتره حکومتی ده بوقدر میلیون تبعه سنک تمیبات و آرزولرینی نظر دقتہ آلق مجبوریتمده در. البته که حکومت مذکورہ الکیاده کودمکده اولدیغنی عنصر اسلامک قلبی قیرماز و تمایلات حسیاتلرینی اوخشامق ایستر. باخصوص شو تمایلات و حسیات، یوقاریده بیان ایتدیکمز وجه ایلہ، کندی منافع ذاتیه و ایجابات حیاتیہ سی ایلده توافقی ایدیور.

ایشته بونک ایچوندرکه انکلتره پارلامنتوسنده وقوع بولان بر استیضاحه جواباً ارکان حکومتدن بریسی «شرق صولرنده انکلتره منافعتنک خللدار ایدلمہسی مسئله سی حکومتی دوشوندریور» دیمشدر. دیگری ایسه: «یوز میلیوندن زیاده تبعه اسلامیہ مالک اولان انکلتره

مکاتیب

اوروپا نك نقطه نظری و عثمانیلر ك موقعی

آلمانیا - استوتگارت

بحر سفید بوغازینك ایتالیا فیلوسی طرفدن طویه طوتلدیغندن صکره المان غزته لرینك اکثریسی نشریات آتیده بولنوب دیورلرکه: ایتالیان و عثمانیلر بینده ایدیلان کوچك مقیاسده کی محاربه شو انشاده اهمیتتی غائب ایدرک اوروپا دیپلوماتلرینك اوینادینی او یون پرده سنك آرقه سنده کیزلندی. بالقان محاربه سی، عالمی تحریکه سبب اوله حق درام صحنه سی مدخلی تشکیل ایتدیکندن، او یونه باشلانیه حق زمانك تقرب ایتدیکنی مدھش بر جدیتله بزه اخبار وتبلیغ ایدیلور. بحر سفیده تحکم ایچون ایدیهلرک کولشرك مقدمه سی دیمك اولان مسئله حاضره، ایتالیان و یا عثمانیلرک مظفریتله تعین ماده دیمك اولیوب، بلکه اوروپای وسطی حکومتلری ایلہ غربی حکومتلری شوق نقطه نظر دن ینه بومدهش بالقان قیالری اوزرنده یکدیگرینه تصادف ایدرک، دکل یالکر اوروپاده، آسیاده بیله، سطوت تحکملرینی تأمین ایچون چارشه جقلردر. طرفیندن برنجیسی برلین، ایکنجیسی لوندره در. روسلر، بوکون هیچ برمانعه یه تصادف ایتدن بحر سفیده کوروب چیقمق اوزره کندیلری ایچون بوغازلرک آچیق بواندیرلمی آرزوسنی صورت قطعیه ده تقویه یه غیرت ایدیور. انکیزلرایسه کافارشوعینی جدیتله مخالفت ایدیور. آلمانلر، قومشوسی بولنان روسلرک آرزوسنی ایلہ انکیزلرک تهدیدی آرمه سنده دومنسر کمی کی یالپه وورمقده. آوستریا، سلانیکه یان کوزله باقهرق روسلره استناد ایدیور. ایتالیانلر، بالقان باروت فوجیسنك بر آن اول اشعالی ایچون صورت متبادیه ده اوزاقدن دینامتر آتمقده. فرانسزلر ایسه، روسلره می، یوقسه انکیزلرله می موافقتله تأمین منفعت ایدیه بیله جکنی تفکر ایلہ بکله مکده در.

عثمانیلرک حیاتی روسلرک بحر سفید اشتها سنه برسد عظیم حکمکله قائم اولدیغندن بوخصوصده انکیزلرک شمدی یه قدر صرف ایلدکلری سعی وغیرت ثمره سر قاله حق اولور ایسه بو حالده حائر نفوذ اوله حق اولان روسلر انکیزلره بر فلاکت اوچورومی تدارک ایتش اولورلر. عثمانیلرک ذی نفوذ وصاحب قدرت اولسی انکیزلردن ماعدا هیچ بر دولتک موجب منفعتی دکدر. خلافتک ناتوان بولنسی، موجودیتی محافظه یه قدر تیاب اوله میه جغندن، دینی ومذهبی علاقه مربوط وانکیزلرک تحت اداره سنده بولنان برطاق ممالک اسلامیه نك تحریکاته باعث اوله جنی وارسته اشتها در. زیرا روسلرک حال حاضره کلنجه یه قدر متبادیاً چالشدقلری اناطولی، مصر وهند کی ممالک اسلامیه ده عصیان مشابه بر حرکتک ظهور یله عثمانیلرک حیاته ختام ویریهلرک وبونک نتیجه سی اوله رق باشلرینه آچیلان بر فلاکتک دفعه انکیزلر سهولتله موفق اوله میه جقلردن تحکم عالم منزله سندن سقوط وروسلرده مقصدلرینه نائل اوله جقلردر.

ضرورت حالی اکتساب ایتشدن ظن ایتیزکه یلک برماضی یه، حیت وفدا کارلقه مشحون بر حسن مربوطیته صاحب اولان زوالی اهالی مسلمه نی بواضطرار اوزرینه اختیار ایتدکلری طریق التجادن طولانی تقییح ومؤاخذه ایدرک بر طنداش بولنسون! او یچارکانه مصائب غربت، مرارت حیات کافیدر. جانی، عرضی، مالی ومقدسات نامیلہ نه موجود ایسه جمله سی دوچار تعرض اولدقلری وبوتعرضاته قارشو قویه حق بر قوت، بر قوه اداره عجز ایچنده بولنهرق - محررک دیدیکی کی - انلرک فریاد استمداد کارانه سی استماع ایلہ محاکمه، ضابطه وسائر اقسام اداریه ده تأمین عدالت ومساوات ایچون ارائه آثار حیات وفعالیت کوسترمدیکی حالده اهل اسلامی عدم ثبات ایلہ معاتب ایتک انصاف سزلق اولور.

مذکور مکتوبک بر فقره سنده «خرستیانلر ترکیانک بویوندورغی آلتنده ایکن چکدکلرینك انتقامنی شمدی مسلمانلردن آلیورلر.» دینیور. بز بوکا بتون موجودیتله اعتراض ایدر و دیرزکه: ظلم واستبداد بتون ممالک عثمانیه ده جانخراش بر صورتده تدویر چرخ ایتکده ایکن کریدده حکومت عثمانیه اساسات مشروطیت دائره سنده اداره امور ایدیور و کریدیلری «خالپا» قرارنامه سی ومقررات سائر احرارانه احکامیلہ بر سعادت اجتماعیه ایچنده یشتامق تشبثاتنده قصور ایتموردی. پارلمانلر حیاتک کوچك قطعده بر نمونه سی ارائه ایدن کرید مجلس عمومیه سی منتظماً اجرای مذاکرات ایدرکن سائر ولایات اهالیسی استبدادک مضیق بجهلری آلتنده ایکه یوردی. حق الانصاف دوشونیلورسه کرید، لوی عثمانی آلتنده فعلاً وماده اداره اولندینی مدتجه اهالی محلیه دولتدن، حکومتدن لطف، شفقت وسماحت تبعه پروریدن بشقه برشی کورمدیلر. هر سنه مصارف متفرقه فوق العاده دن ماعدا اون بیک لیرادن اشاغی دوشمش بودجه آچیغنی طولیران بوترکیا حکومتی دکلی ایدی؛ فقط کرید خرستیانلری بونعمتی بیلمدیلر. نانکولرک ایتدیلر. شمدی ده ادعا ایدیه یلرکه اوفعل قییح حدناشناسانه لرینك جزای سزاسنی جزیره ده مستولی سفالت اقتصادیه طولانیسیله چکیورلر. بوکون محررک بیاناتنه تمامیلہ مخالف اوله رق ادعا ایدرککه کرید خرستیانلری حرکات جنایتکارانه لرله ترکیان چکدکلرینك انتقامنی الیورلر دکل، اوترکیا اداره سی سایه سنده اله کچیرمش اولدقلری قصر مزین ومحتشم حریتک ینه ترکیانک اثر سماحتیه ترصین ایدلمش اولان تمللرینی بر فوران وغلیان مجنونانه ایلہ کوله رک، اوینایه رق ییقمغه چالیشیور وایچه ده موفق اولیورلر! یازیق!

کرید رسمو اهالی مسلمه سی وکیل عمومیه سی
دعوا وکیلی کریدی

احمد ساقی